



Broj: 01-05-16-5-541-7/17
Sarajevo, 1.11.2017. godine

Na osnovu čl. 21. Zakona o reviziji institucija BiH ('Službeni glasnik BiH', broj 12/06) te člana 70. Zakona o javnim nabavkama („Službeni glasnik BiH broj 39/14) i Preporuke komisije za javnu nabavku, broj: 01-05-16-5-541-6/17 od 31.10.2017. godine, generalni revizor donosi:

ODLUKU

o izboru najpovoljnijeg ponuđača za nabavku kompjuterske opreme za potrebe Kancelarije za reviziju institucija BiH

I

Dodjeljuje se ugovor za nabavku kompjuterske opreme za potrebe Kancelarije dobavljaču koji je dostavio najnižu cijenu tehnički zadovoljavajuće ponude i to:

LOT1 - Laptop (18 komada) i dodatna oprema (docking stanice – 18 komada, eksterni DVDRW – 3 komada, monitor – 3 komada) dobavljaču **MOJIT d.o.o. Sarajevo u iznosu od 37.740,00 KM bez PDV-a, odnosno 44.155,80 KM sa PDV-om.**

LOT2 - Switch (2 komada) i firewall (1 komad) dobavljaču **MOJIT d.o.o. Sarajevo u iznosu od 22.187,61 KM bez PDV-a, odnosno 25.959,50 KM sa PDV-om.**

II

Ukupna vrijednost Ugovora za Lot1 i Lot2 iznosi **59.927,61 KM bez PDV-a, odnosno 70.115,30 KM sa PDV-om.**

III

Po ispunjavanju zahtjeva iz tenderske dokumentacije u pogledu dostavljanja dokaza za koje je tražena Izjava iz člana 45. Zakona o javnim nabavkama i po okončanju roka za žalbu, Kancelarija za reviziju institucija BiH će sa izabranim ponuđačem zaključiti ugovor, kojim će se regulisati međusobna prava i obaveze vezane za predmetnu nabavku, u skladu sa zahtjevima navedenim u tenderskoj dokumentaciji i zakonskim propisima koji regulišu postupke ugovaranja.

IV

Žalba na ovu Odluku može se podnijeti u roku od 10 (deset) dana od dana prijema ove odluke, a u skladu sa članom 101. stav (1) Zakona o javnim nabavkama Bosne i Hercegovine ("Službeni glasnik BiH" broj: 39/14).

V

Ova Odluka će se objaviti na veb-stranici Kancelarije za reviziju institucija BiH.

Obrazloženje:

Odlukom generalnog revizora broj 01-05-16-5-541/17 od 16.6.2017. godine odobreno je provođenje nabavke kompjuterske opreme za potrebe Kancelarije za reviziju putem otvorenog postupka. Slijedom navedene Odluke objavljeno je Obavještenje o javnoj nabavci broj: 1191-1-1-143-3-9/17 na Portalu javnih nabavki dana 4.10.2017.godine.

Komisija za provođenje postupka nabavke kompjuterske opreme je dana 30.10.2017. godine pristupila javnom otvaranju pristiglih ponuda i konstatovala da su do roka koji je određen za prijem ponuda stigle ponude 3 ponuđača i to:

1. MOJIT d.o.o. Sarajevo, 27.10.2017. godine u 10.51h
2. GODIMERC d.o.o. Sarajevo, 27.10.2017. godine u 13.15h
3. R&S d.o.o. Sarajevo, 27.10.2017. godine u 14.01h.

Sve ponude su dostavljene blagovremeno u zapečaćenim i neprovidnim kovertama prema uslovima iz tenderske dokumentacije. Neblagovremeno pristiglih ponuda nije bilo. Javnom otvaranju ponuda nije prisustvovao ni jedan od predstavnika ponuđača.

Uvidom u pristiglu dokumentaciju, Komisija je zaključila da blagovremeno pristigle **ponude ispunjavaju sve uslove tražene u tenderskoj dokumentaciji**, da su takve prihvatljive i da mogu biti predmet daljeg vrednovanja.

U skladu sa navedenim Komisija je sačinila rang listu prihvatljivih ponuda u sljedeće dvije tabele:

Tabela 1 (LOT 1): Laptop (18 komada) i dodatna oprema (docking stanice – 18 komada, eksterni DVD/RW – 3 komada, monitor – 3 komada)

Redni broj	Dobavljač	Ponuda ispravna	Ponuđena ukupna cijena bez PDV
1.	MOJIT d.o.o. Sarajevo	DA	37.740,00 KM
2.	R&S d.o.o. Sarajevo	DA	37.761,00 KM
3.	GODIMERC d.o.o. Sarajevo	DA	37.797,00 KM

Tabela 2 (LOT 2): Switch (2 komada) i firewall (1 komad)

Redni broj	Dobavljač	Ponuda ispravna	Ponuđena ukupna cijena bez PDV
1.	MOJIT d.o.o. Sarajevo	DA	22.187,61 KM

Obzirom da je postupak proveden na način da su ispunjeni svi Zakonski uslovi za odabir ponuđača, a imajući u vidu kriterij „**najniža cijena tehnički zadovoljavajuće ponude**“ Komisija je glavnom revizoru dala preporuku da se ugovori o nabavci kompjuterske opreme, za potrebe Kancelarije za reviziju institucija BiH dodijele ponuđaču „**MOJIT d.o.o. Sarajevo**“ za LOT 1 sa ponudom u visini **37.740,00 KM bez PDV-a** odnosno **44.155,8 sa PDV-om** i za LOT 2 sa ponudom u visini **22.187,61 KM bez PDV-a** odnosno **25.959,5 sa PDV-om**.

Ponuđač čije su ponude ocijenjene najpovoljnijim, dužan je dostaviti dokumentaciju o ispunjavanju uslova iz člana 45 ZJN (original ne stariji od 3 mjeseca ili ovjerena kopija originala ne starijeg od tri mjeseca računajući od dana dostavljanja ponude, a koji je izdat od strane nadležnog organa) u roku od 5 (pet) dana od dana prijema Odluke o izboru.

Za pomenuta dokumenta (iz čl. 45 ZJN) potrebno je da ponuđač sačini sadržaj istih, te ih dostavi u zatvorenoj koverti na protokol Kancelarije za reviziju institucija BiH, Hamdije Čemerlića 2/XIII sa naznakom: „Dostavljanje dokumenata za javnu nabavku kompjuterske opreme za potrebe Kancelarije za reviziju institucija BiH – Ne otvaraj za komisiju“.


Cijeneći navedeno, generalni revizor Kancelarije za reviziju institucija BiH donosi odluku kao u dispozitivu.

PRAVNA POUKA

Žalba se izjavljuje Kancelariji za razmatranje žalbi, putem ugovornog organa u roku od deset dana od dana prijema Odluke o izboru najpovoljnijeg ponuđača.

Dostaviti:

- MOJIT d.o.o. Sarajevo
- GODIMERC d.o.o. Sarajevo
- R&S d.o.o. Sarajevo
- Komisiji za nabavku
- a/a



GENERALNI REVIZOR

Dragan Vrankić

Man PC